



Folkpartiet på andra språk: nordsamiska

## Folkpartiet – Ruota liberála bellodat

Folkpartiet liberalerna lea Ruota liberála bellodat. 2006 rájis mii leat mielde ráđđehusas ovttas eará bellodagaiguin Allians för Sverige. Mii dál ánuhit ođđa luohátamuššii – skuvlla ja bargguid dihte.

Min válđoáššit leat:

- » **Skuvla.** Máhttobohtosat ruota skuvllas fertejit buoriduvvot. Mii háliidit árvosániid árabut ja leat maid čadahan máhttodárkkistemiid árrat, vai oahppit mat dárbbahit lasseveahki oažžut dan nu jođánit go vejolaš. Oahpaheddjiin galget leat buorit vejolašvuodát ráhkadit ortnega ja bargoráfi. Ferte garrasit eastit hárdima.
- » **Bargu ja doaimmalašvuoha.** Ferte leat gánnáhahtti bargat ja gazzat oahpu. Mii leat vuolidan vearu daidda geain lea vuolle- ja gaskamearálaš sisaboahu eanet go 1000 ruvnnu mánus. Mii háliidit joatkit dienasvearu vuolidemiin ja buoridit fitnodagaide eavttuid. Mii maid háliidit ásahit bargooahpuid vai eanet nuorat galget beassat bargomárkanii.
- » **Dorvvolašvuoha.** Visot olbmuiin geat barget galgá leat suodji bargguhisvuodadáhkádusas. Nu ii leat otne. Mii maid háliidit buoridit boarrásiid dorvvolašvuoda ja ásahit lága vuoigatvuhtii boarrásiid báraide beassat orrut ovttas vaikko okta dain ferte johtit boarrásiidoroahkii. Eastin garra organiserejuvon láchkarihkkumiidda ferte lasihuvvot.
- » **Integrašuvdna.** Dalle go Socialdemokraterna gurre stivrejumi integrašuvdna doaimmai nu heitot ahte válldii sullii gieža jagi ovdal go easká sisafárren oáččui barggu. Mii diehtit ahte bargu ja ruotagielmähttu leat dehálaččat integrašuvdnii – danin mii vuolidit divagiid fitnodagaide geat barggahit easká sisafárren olbmuid. Ruotagieloahpahuš sisafárrejeddjiide oažžu čielgaseappo gáibádusaid ja buoret oahpahuvvon oahpaheddjiid. Mii háliidit divvut rimmsagan orrunsajiid ja háddjet osiid visttiin gos lea dárbu.
- » **Eurohpá ja máilbmi.** Mii eat hálit hukset muvrraid máilmmi vuostá – mii háliidit rahpat uvssa. Friddjagávppášeapmi lea buorre sihke Ruttii ja eará riikkaide. Ruotta galgá leat mielde EU:s ollislaččat – danin mii háliidit euro. Báhtareddjiin galgá leat vuoigatvuoha bissánit vai eat dárbbat doarriduvvot iežaset ruovt-oriikas. Mii duvdit ulbmila ahte okta proseanta Ruota bruttonášunálasisaboahuš galgá biddjot veahkkedoarjagiidda. Ruđat galget geavahuvvot geafesvuoda eastimii ja nannet demokrátalaš ovdáneami. Diktatuvrrarešimmat eat galgga oažžut doarjaga Ruotas.

Välkommen att  
kontakta oss  
om du vill veta mer  
eller bli medlem!  
[www.folkpartiet.se](http://www.folkpartiet.se)  
[info@liberal.se](mailto:info@liberal.se)  
020-53 53 53

Vill du hjälpa till i valkampanjen?  
SMS:a VOLONTÄR till 72080  
så kontaktar vi dig.  
Kostar som ett vanligt SMS.

- » **Dásseárvu.** Unnidit váttisvuoda oažžut dásseárvobonusa váhnenluomus – ruđat galget boahit njuolga bálkákontui ja it galgga dárbbahit ohcat. Ásahit maid dásseárvobonusa mii addá eanet ruđaid báraide geat juohkiba vab-beivviid go mánná lea skibas. Čavget ránggáštusa fasttes nissonfriddjavuoda soardimiin. Bija elektrovnnalaš juolgeculkka dievdduide geat rihkkot guossehangildosa.
- » **Dálkkádat.** Dálkkádatrievdadeamit leat min áiggi stuorimus birasuhkkádus. Mii háliidit sealluhit ja ovddidit ruođa atomafámu unnideamis CO2-nuoskkidemiid. Dárbbahuvvo gaskariikkalaš dálkkádatšiehtadus. Bieggafápmu ja eará odasmahttin energiija dárbbahuvvo huksehuvvot ja energiijaseastin lassánit.

## Boahhteáiggi hástalusat

Gaskariikkalaš ekonomalaš heahthedilli lea garrasit čuohcán Ruttii. Muhto Alliansaráđđehusa bargguid dihte Ruotta lea birgen heahthedili čađa buorebut go mánga eará riikkat

Mii leat bidjan bargguid ovddimussii. Sáhttit giitit ruhtapolitihka mas lea ovdasvástádus ja leat danin sáhttán stimuleret ekonomiija. Jus ii livčče leamaš buorit dikšojuvvon stáhtaruđat de mañemus jagiid njeaidin dál livčče dagahan unniduvvon ruhta jábálaš eallimii ja aliduvvon veaht.

Boahhte mandáhtaáigodahkii lea stuorra vejolašvuodat ekonomalaš šaddamii. Muhto fápmu min sisriikkalaš odasmahttimis lea gitta das makkár politihkka mis lea ruovttus. Mearrideaddji lea ahte eanet olbmot oažžut barggu. Bargovearrogasus lea dagahan ahte lea eanet gánnáhahtti bargat, muhto lea dárbu eanet vearro- ja njuolggadusrievdadusaide.

Nuoraide geat dárbbahit oahppat odđa ámmáha galgá fállot bargooahppu. Galgá šaddat álkibut barggahit olbmuid. Ruotta galgá leat njunnošriika mii galgá geasuhit dutkama ja odđa jurdagiid eará riikkain.

Min riika lea sorjavaš energiijaintensiiva industriijas. Odđa atomafápmu mii boahá daid reaktuvrraid sadjái mat váldojit eret geavaheamis dan dihte go leat ila boarrásat dagaha ahte Ruotta sáhtá oažžut CO2-friddja elrávdnjefámu min váldoindustriijaide.

Vai galgá leat gánnáhahtti bargat ja gazzat oahpu de Ruotta galgá mannat ruovttoluotta “bealli báhcán” sisabođu dienaslassáneamis – ii oktage galgga máksit eanet go 50 proseanta veaht dan mañemus dinejuvvon čuohteruvnnus.

Čoavdagat buorri integrašuvdnii lea bargu ja ruođtagielmáhttu. Oahppu ruođtagielas sisafárreiddjiide ferte buoriduvvot. Sisabeassanbarggut (instegjobb) ja odđasit álgit bargat barggut (nystartsjobb) dagaha álkibun easká fárren olbmuide beassat bargomárkanii.

Dasa guhte massá barggu lea dehálaš ahte gávdno bargguhisvuodadáhkádusat mat doibmet. Almmolaš bargguhisvuodadáhkádus galgá ásahuvvot.

## Oahpahus máilmmi njunnošis

Skuvla lea min buoremus neavvu addit visot olbmuide seamma vejolašvuodaid eallimis. Albma skuvlapolitihkain visot oahppit oažžut vejolašvuoda lihkostuvvat.

Dat odđa álggaheapmi mii dál čadahuvvo ruođa skuvlii lea váldobargu Folkpartietii. Galgá oažžut árvosáni guđat luohkkás ja odđa oahpaheaddjeoahpahus lea álggahuvvon. Nášuvnnalaš geahččaleamit goalmát luohkkás mat dál gávdnojit galget čuovvuluvvot buoret doarjagiin daidda ohppiide geat eai deavdde ulbmiliid.

Okta vuohki deaivat globaliserema lea buorre máhttu vieris gielain. Danin dat oahppi guhte lohka unnimusat guokte vieris giela vuodđoskuvllas galgá oažžut rehenastit daid ánsun go son ohca gymnásaskuvlii. Kiinná-giella galggalii šaddat odđa vieris giella gymnásas.

## Ovttasbargu globaliserema áiggis

Ruotas galgá leat rabas uvssat máilmmi vuostá – eai giddejuvvon muvrrat. Erenoamážit EU bokte Ruotas lea vejolašvuhta leat mielde váikkuhit máilmmi ovdáneapmái. Mii háliidit lasihit Eurohpalaš ovttasbarggu, ja euro galgá šaddat ruhtan Ruotas.

Visot vuitet friddja gávppašeamis. EU tullamuvrrat geafibut riikkaid vuostá galget háddjehuvvot. Rikkis máilmmis lea maid morálalaš ovddasvástádus doarjut geafesvuodaeastima ja demokratiija. Oktaproseantaulbmil veahkkedoarjagis galgá bisuhuvvot.

Mii doarjut árvvas báhtareaddjepolitihka. Asylariecti lea olmmošlaš vuoigatvuhta. Olbmot geat báhtarit doarrideamis lea vuoigatvuhta suodjái Ruotas ja eará friddja riikkain.

## Dorvvolašvuhta

Dorvvolašvuhta láchkarihkkumiid vuostá dárbbaha lassánit. Mii leat lasihan poliisalogu 17 000 gitta 20 000. Eastin barggut ja jođánis reakšuvnnat leat erenoamáš dárbbášlaččat eastit nuoraid darváneamis kriminalitehtii.

Ii leat dohkálaš ahte jábálaš riika bágge olbmuid geat leat orrun ovttas earránit go nubbi ii šat birge orrut ruovttus. Ođđa láchka dárbbahuvvo bearráigeahččat boarrásiid báraid vuoigatvuoda orrut ovttas – maid mañemus áiggi eallimis.

Joatkašuhttit bijut psykiatriijai. Dan guhte ohcá psykiátralaš veahki headis ferte oážžut dan oktanis. Jus doaibmahehttejuvvon olbmot eai beasa juosat dat galgá árvvoštallot leat vealaheapmi.

## Čohkket návccaid dásseárvui

Dásseárvu lea friddjavuodaášši. Mii ain fertejit fokuseret ekonomalaš iešráđalašvuhtii nissoniidda. Eahpeektodáhtolaš oasseáigebargu galgá vuosttilduvvot. Movttiidahttit váhnemiid leat dásseárvosaččat dásseárvobonus dárbbahuvvo álkkiduvvot ja viiddiduvvot.

Illásteamat nissoniid vuostá, juste danin go leat nissonat, lea hoahpus dásseárvoášši. Riidu seksuálarihkkumiid vuostá ferte nannejuvvot ja eanet fokus bidjot illásteddjiide.

## Atomafápmu dálkkádaga dihte

Dálkkádatášši lea okta dain stuorimus globálalaš hástalusain. Ruotta ja EU ferte joatkit rahčamušaid oaččuhit globálalaš dálkkádatšiehtadusa, ja mii maid galgat leat njunnošis alla dálkkádatulbmiliiguin.

Ođđa atomafápmu galgá huksejuvvot vai sáhtta molsat eret otná reaktuvrraid go leat gollan. Seagus ođđa atomafápmu ja bijut ođasmahttin energijai dagaha ahte Ruota elrávdnjebuvttadeapmi maid boahpteáiggis lea CO2 haga. Dálkkádatbarggus lea guovddážis várjalit biologalaš girjáivuoda ja ii láchppit eará birasulbmiliid dego mearrabirasbargu..

Ovdáneapmi elravdnjebiillain livččii sakka unnidit johtolatoasi nuoskkidemiid. Dálkkádatliigebuhtadus biillaide galgá ásahuvvot.